

Vg
1625a



Al



Art. 258, 8

Vg
1625a

TESTAMEN-
TVM DOCTO-
RIS GEORGII
MAIORIS.



PSALM CXXVI.

Die mit Ehrenen seen / Werden mit Freuden
erndten.
Sie gehen hin vnd weinen / vnd tragen edlen
Samen / Vnd kommen mit Freuden / vnd
bringen ire Garben

BIBLIOTHECA
PONTIKAVIANA

UNIVERSITÄTS-BIBLIOTHEK
HALLE
(SAALE)

S W a 13



Faint, illegible text, likely bleed-through from the reverse side of the page. The text is arranged in several lines and is significantly faded and obscured by ink spots.

Fragment of text from the adjacent page, including the words:
v
n
f
t

b
E
re
m
P
li
be
g
E
lic
len



3

TESTAMENTVM,
DOCTORIS GEOR-
GII MAIORIS.



NACHdem ich Georgius
Maior / nun mehr von dem 70.
Jar meines alters nicht fern / vnd in be-
trachtung solches meines hohen alters
vnd sonsten aller menschen sterblichkeit /
mich zu einem seligen abschied aus die-
sem leben nun etlich Jar teglich bereitet /
vnd darnach ein herzlich verlangen bishero gehabt / vnd
noch habe / auch nicht gedacht hette / das ich inn meiner viel-
feltigen leibs schwachheit / vnd andern mir obliegenden be-
trübniß / so lang hette leben sollen.

Als hab ich von wegen vieler vrsachen vnter andern /
beide mein / vnd meiner lieben Kinder vnd Erben / auch der
Schulen vnd Kirchen wegen / darinne ich so viel Jar geles-
ret / gepredigt vnd gedienet / für notwendig geachtet / noch für
meinem abschied ein deutliche / richtige vnd einfeltige / den
Prophetischen vnd Apostolischen schrifftten / den Symbo-
lis / der Augspurgischen Confession vnd Apologia gemesse
bekentniß vnd erklerung / als zu meinem Testament bezeug-
ung / vnd erklerung / meines letzten vnd entlichen willens /
Sentenz vnd meinung / von dem streit / darein ich von et-
lichen meinen widerwertigen / wider meinen willen / wie vies-
len Christlichen gelarten vnd fürtrefflichen Leuten bewust /
A ij gezogen

4
gezogen worden / zu fassen / vnd hinder mir zuuerlassen / dar
mit meine Kinder vnd Erben / auch die ganze Kirche Gots
tes bey allen nachkommenden gründlich wissen mögen / was
von dem Artickel der Rechtfertigung für Gott / allein durch
den Glauben / vnd dan von notwendigkeit der Guten werck
in rechtem verstand / vnd also endlich bis in meine gruben /
meine meinung vnd lehre sein vnd bleiben soll. Darauff
ich aus diesem leben mit Gottes gnediger hülffe vnd bey
stand abzuscheyden / vnd für seinem Gericht verhoffentlich
frölich / vnd mit gutem gewissen erscheinen wil.

BEzeuge derenthalben für Gott / allen seinen lieben
Engeln vnd Heiligen / im Himmel vnd auff Erden / das ich
von grund meines hertzens gleube vnd war halte / alles was
in der Propheten vnd Apostel schrifften / den Symbolis der
Augsburgischen Confession / vnd derselben Apologia / vnd
dem Corpore Doctrinae Christianae dieser vnserer Lande
Kirchen vnd Schulen / von diesen beiden Artickeln / nach
lenge nottürfftiglich geleret vnd erkleret wird / Vnd das ich
in diesen Artickeln / von der gerechtigkeit des menschen für
Gott / vnd von guten Wercken / auch sonst in andern Artis
ckeln / der ganzen Christlichen Lehre niemals ein andere
meinung oder lehre gehabt / vnd in meinen Predigten / Lectis
onibus vnd schrifften gefüret vnd vertheidiget habe / denn
die ich nach laut der Prophetischen vñ Apostolischen schrif
ten / aus dem mund vnd büchern / der Ehrwürdigen Herren /
D. Martini Lutheri / vnd Herren Philippi Melanthonis
seligen / meiner geliebten Väter vnd Praeceptorum / welchen
ich von dem 21. Jar / bis in ire gruben bekand / vnd mit ste
ter beywehnung verwandt / gehöret vnd empfangen habe /
Wolte auch vnd müste mich in ewigkeit schemen / selbs an
speien

speien vnd verdammen/da mein gemüt jemals gewesen/von derselben meiner lieben Väter vnd Praeceptorum lehre/ vorseklich abzuweichen/oder als ein vndanckbarer vergessener Discipel / vnd fast teglicher beywohner/ beider Herren Lutheri vnd Philippi/ire lehre/arglistiger/betrüglicher weise dem Babst oder einigen menschen zugefallen/zuuorfelschen vnd zuuordunckeln/mich vnterstanden solt haben / **G**ott sey zeuge vnd Richter/zwischen mir vnd denen/die mich mit solchem vngrund vnd verleumbdung beschweren.

Dies ist aber mein bekentnüs vnd lere von der Justification vnd Rechtfertigung des Sündigen menschen für Gott/Nemlich das allein aus lauterer vnermesslicher barmherzigkeit vnd gnade/on alle werck/würdigkeit vñ verdienst/ allein durch vnd vmb des Mitlers des Herrn Christi vnsers Seligmachers vnd Erlösers willen / von **G**ott zu gnaden angenommen vnd mit jm versünet werden/ durch zurechnung der gerechtigkeit des Herrn Christi / vnd also Erben des ewigen Lebens vnd Seligkeit inn diesem leben werden / alle vnd jede so da warhafftiglich bekehret werden/ vnd gleuben/ das ist/ die in herzlichem erkentnüs vnd bekentnüs irer sünden/vnd in erschrecken für dem ernstern vnd gerechten zorn Gottes/wider die sünde/auff des Sons Gottes/als vnsers ewigen Mitlers/ Heylands vnd Hohenpriesters einig verdienst/gehorsam vnd fürbitt / herzlich vertrauen / vnd inn rechter anruffung Gottes/vnd gutem fürsaz / trost vñ hülff bey jm suchen.

Das also vnzweiffelich / wie die Augspurgische Confession vnd Apologia zu reden pfeget / Der mensch allein durch Glauben aus gnaden / on alle verdienst / würdigkeit

A iij vnd

vnd werck/vmb des Mitlers willen gerecht/mit Gott versü-
net/vnd als ein Erbe Ewiges Lebens/vnd Seligkeit geach-
tet/vnd angenommen werde/wie hievon S. Paulus spricht/
So halten wir nun / das der mensch gerecht werde/one des
Gesezes werck / Rom. 3.

Item sie werden alle one verdienst gerecht. aus seiner
gnade/durch die Erlösung so durch Christum Ihesum ge-
schehen ist / welchen Gott hat fürgestellt zu einem Gnadens-
stul/in seinem Blut/durch den Glauben.

Item/ Ephes. 2. Aus gnaden seid jr Selig worden/
durch den glauben/vnd dasselb nicht aus euch / Gottes gabe
ists/nicht aus den wercken/auff das sich niemand rüme.

Erwegen ich mit dem Apostel Paulo vnd der gantz-
en Prophetischen vnd Apostolischen schrift/von ursach der
Rechtfertigung vnd Seligkeit für Gott/alle vnd jede Gute
werck/würdigkeit/vnd verdienst / wie hoch man auch diesel-
bige in dieser vnser schwachheit vnd verderbung/ tichten oder
achten kan/je vnd allewege zu grund vnd rein ab vnd aus-
geschlossen / vnd verworffen habe / auch noch aus grund
meines hertzens ausschliesse / vnd zur Rechtfertigung vnd
Seligkeit für G D T / mit Paulo nicht allein für kein ver-
dienst / oder ursachen derselben/ sondern für dreck vnd kot
achte.

Dann Rechtfertigung vnd Seligkeit/achte/halte vnd
gleube ich/ein pur lauter geschenck vnd gabe Gottes / so den
glaubigen aus gnaden vmb des H Erren Christi tewren ge-
horsams vnd Verdiensts willen / geschenckt vnd gegeben
wird/wie Paulus klar spricht/Rom. 6. Gottes gabe ist das
Ewige Leben durch Ihesum Christum vnsern Herrn. Item
in obgedachten Sprüchlin/ Aus gnaden seid jr Selig wor-
den/

den/Gottes gabe ist/s/nicht aus den Wercken / auff das sich nicht jemand rüme.

WZu nu durch gedachte sprüchlein/aller vnd jeder des menschen werck/wirdigkeit vnd verdienst/ von der Rechtfer- tigung vnd Seligkeit/ausgeschlossen vnd verworffen wer- den/Also halte vnd gleube ich festiglich/das zugleich / auch alles vertragen/vnd aller ruhm / so wir inn dieser vnserer grossen schwachheit vnd verderbung/vnserer werck vnd ver- dienst halben/vns dichten vñ machen mögen/vns gänglich abgestriekt/ausgeschlossen vnd verworffen werden/vnd dis durchaus / so oft man gedencet / oder fraget/ aus was ur- sach oder verdienst wir in diesem leben gnediglich auff vnd angenommen/mit Gott versönet/vnd gerecht gesprochen/vnd beide hie vnd dort zu Kindern vñ Erben Ewiges Lebens vnd Seligkeit gemacht werden.

WZu in diesen verstand / halte/leren/vnd gleub ich fes- tiglich/auch alles das/so der Apostel Paulus allenthalben/ sonderlich aber zun Röm. am 4. Cap. von zurechnung der gerechtigkeit leret/da er spricht: Dem der nicht mit wercken umbgehet / gleubet aber an den / der den gottlosen gerecht machet/dem wird sein glaube gerechnet zur gerechtigkeit.

WZu welchen worten der zurechnung der Apostel als les das / so sonst die obgedachten Particulae Exclusiuae geben/vnd mit sich bringen/am aller herrlichsten vnd sterck- sten erkleret vnd bestetiget/das nemlich vns vnserer vielfelti- ge ja vnzeliche sündē/ aus lauterer gnadē nicht zugerechnet/ sondern ein andere frembde gerechtigkeit / des Mitlers des Sons Gottes / vnd also der glaube / so sich des Mitlers/ verdiensts gehorsams vnd gerechtigkeit tröstet/vnd dieselbis ge annimpt/zur gerechtigkeit zugerechnet werde.

Derhalten

D Erhalten zu solcher zurechnung der Gerechtigkeit
 des Mitlers/die je auffer vns ist/alle vnserer Werck/wirdig-
 keit vnd verdienst/nichts thun/nichts helfen/nichts vermö-
 gen noch wirken/welchs der Apostel Paulus heist mit wer-
 cken vmbgehen/wie es Lutherus im deutschen gegeben / das
 ist/gerechtigkeit mit Wercken erwerben vnd verdienen wol-
 len. Dieser Glaube als das Hauptstück des heiligen Euan-
 gelij /vnd der grundfest alles warhafftigen Trosts vnd an-
 ruffung G D Ttes/ist je vnd allewege mein einiger trost/
 hoffnung vnd zuuersicht/vnd die zeit meines lebens meine
 eigentliche meinung vnd lehre gewesen / Ist mir auch / das
 Gott/als der einige Herzenskündiger weis / niemals in mein
 sin oder gedanken komen / anders von diesem Artikel vnd
 Hauptstück Christlicher Lehr zu halten/oder zu leren.

Vnd nachdem ich durch Gottes gnedigen Willen so
 gar vnuersucht nicht bin/vnd in nöten / Creuz vnd anfecht-
 ung vielmals/gleich allen heiligen gesterckt/hab ich je auch
 in eigener erfahrung gelernet vnd befunden/ das ein betrübte
 Herz/welches seine Sünde erkennet/ vnd in rechten engsten
 Gottes Zorn warhafftig fürchtet vnd fühlet/ nicht kan noch
 soll auff eigene Werck / wirdigkeit vnd verdienst / einig ver-
 trawen setzen/oder derselben halben sich für Gott rühmen/
 als ob jm die verheissung der gnaden/derselben seiner werck
 wegen/gegeben oder geschenckt würde/vnd gewis sey/Son-
 dern so offft es die verheissung anschawet/mus ein solch herz
 diese vnermessliche vnd vnaussprechliche Barmherzigkeit/
 mit festem vertrawen vnd glauben fassen vnd auffß gewis-
 fest schliessen/das die Person allein von wegen des Eynigen
 Mitlers des Sons Gottes/verdienst/gehorsam vnd fürbit/
 von Gott zu gnaden angenommen/ von sünden absoluiert/
 vnd

vnd gerecht gesprochen werde. Dann wie durch eines sünde
die verdammnis vber alle menschen kommen ist/Also ist auch
durch eines gerechtigkeit die Rechtfertigung des lebens vber
alle menschen kommen/vnd gleich wie durch eines menschen
vngheorsam viel Sünder worden sind/Also auch durch eis
nes gehorsam werden viel gerecht/Rom. 5.

Von Guten Wercken.

DIES ist auch hierneben gewislich vnd vn-
zweiflich war/das eben durch denselben Mittler / vñ
vmb seinet willen einem solchen geengsten/warhafft
betrübttem gleubigem herzen/der heilige Geist aus gnaden/
vnd on alle werck vnd verdienst gegeben / vnd in dasselbige
ausgegossen werde/der es wider alles schrecken der Sünde/
vnd des todes trösten/erquicken/vnd lebendig machen/vnd
zugleich auch in das vorige Bild Gottes vernewren vñ ver-
fleren/zu gebürlichem vñ schuldigem gehorsam vnd Guten
wercken/wider anregen/treiben vnd führen/ ja dieselbigen in
inen selbst wircken vnd anzünden solle / das für vnd für das
herz in aller freidigkeit vnd zuuersicht für Gott treten/ vnd
in als ein Vater frölich ansprechen möge / wie Paulus
spricht: Wenn wir durch glauben gerecht worden sind/ so
haben wir friede mit Gott/2c.

Item/Ephes. 2. Wir sind Gottes Werck geschaffen
in Christo Ihesu zu guten wercken/zu welchen Gott vns zu-
vor bereitet hat/das wir darinnen wandeln sollen.

Item/Ephes. 3. Durch diesen haben wir einen zus-
gang zu GOTT/in aller freidigkeit vnd zuuersicht durch
glauben an in.

W

Item/

Item/Rom. 8. et Gal. 4. Weil jr denn Kinder seid/
hat Gott gesand den Geist seines Sons/in ewer herten der
schreiet/ Abba lieber Vater.

Solches alles wie gemeldet/habe ich zu foderst aus
Gottes Wort/ vnd denn aus eigener erfahrung in vielen
meinen anfechtungen vnd betrübnißen gelernet / hab es
auch die zeit meines lebens je vnd allewege bekandt vnd ge-
leret/vnd wil solch bekentnis durch Gottes hülffe vnd gnes-
digen beystand/wie oben bezeuget für meines Erlösers vnd
Heylands Ihesu Christi Richtsul bekennen vnd bringen/
vñ mirs auch der Hellen pforten nicht nemen noch zu nichte
machen lassen.

Derhalben ich auch was in diesem Artickel von not-
wendigkeit der Buß vnd bekehrung zu Gott / des glaubens
vnd Newen gehorsams in Gottes Wort vnd in allen Sch-
rifften der Phropheten vnd Apostel vnzehlich mal widers-
holet/vnd geleret wird/vnd in der Augspurgischen Confes-
sion vnd Apologia vnd andern dieser Kirchen büchern/son-
derlich aber in Corpore Doctrinae fleissig vnd vnterschieds-
lich erkleret wird/ wie nemlich die bekerung vnd busse gesche-
he/wie der Newe gehorsam möglich vñ angefangen werde/
wie derselbige Gott gefellig vnd angenehm sey / aus was ur-
sachen man gute werck thun solle/waserley sünden auch in
den Heiligen vnd gerechten in diesem leben nicht bleiben/
das ist/die den jenigen in dem sie seind vnd herschen / nicht
mehr Heilig/ Gerecht / Selig oder Gott gefellig sein lassen/
Vnd leklich/ das allen vñnd jeden Guten Wercken/inn
aller anruffung vnd anfechtung/dis Liecht vnd Lehre des
heiligen Euangelij / das beide die Person / vnd derselbigen
angefangener/noch vnuollkommener / schwacher / unreiner
vnd sündiger gehorsam/vnd gute werck/allein aus gnaden/
durch

11

durch glauben/vmb des Nitlers willen/ Gott gefellig vnd
angenehm sein.

Dis alles sampt vnd sonderlich/welches dieses orts
nach leng auszuführen vnd zuerkleren vnmüglich/vnd viel zu
lang sein wolte/das halte/gleube/lerere/vnd bekenne ich/in feis
nem andern verstand noch meinung/denn wie in obgedach
ten diesen vnsern Kirchen bekentnüs / Apologia vnd Cor
pore Doctrinae Christiane/vnd andern des Herrn Lutheri
vnd Philippi schrifften ausführlich vnd nach der leng erkleret
ist/ Darauff ich mich fürs halben hiemit ziehe / vnd obge
melte meine liebe Kinder vnd Erben/vnd die ganze Kirche
Gottes in dieselben disfalls wil gewiesen haben / mit dieser
abermals angezeigten vnd aller höchsten betewrung vnd bes
zeugung/das mein gemüte die zeit meines lebens nicht ge
wesen/vnd ob Gott wil hinfurt nicht sein soll/gedachter Bes
kentnüs vnd schrifften erklerung in einigem wort zuueren
dern/oder ichtes ausserhalb derselben zu leren / oder in meine
schrifften zubringen.

ICH verdamme auch/vnd verfluche hiermit in E
wigkeit alle falsche/irrige lehr/ aller derer so den HERRN
Christum nicht für iren Eynigen Erlöser / Gerechtmacher/
Nitler vñ Seligmacher/erkennen/annemen vnd bekennen/
sie heissen gleich Pelagianer/Papisten/oder wie sie namen
haben/vnd halte sie alle auff einen hauffen für Feinde / des
Creuzes/vnd verdiensts Ihesu Christi.

Wd das ich noch deutlicher rede/so verdamme ich
alle die/so die Werck des menschen halten vnd ausschreien/
als ein verdienst des Ewigen Lebens / oder der Seligkeit/
oder die da sagen das gute Werck als ein verdienst zur Sel
igkeit nötig sind/oder das niemand one gute Werck/ als on

B ij eine

eine vrsache/oder mitwirkung zur Seligkeit/könne gerechte vnd Selig werden/oder das niemand sey selig worden one gute Werck/als ein vrsache/vnd verdienst der Seligkeit.

Solche meinung vermaledeye ich aus grund meines hertzens/ vnd habe sie allewege/vnd je vermaledeit/vnd öffentlich dawider gelehret/vnd wil es auch hinfort thuen/so lang mir Gott das leben leßt.

Vnd damit ja allerley jrrung/gezenck / vnd misuerstand/gencklich abgeschnitten vnd auffgehoben würde / hab ich auch diese reden / Gute Werck sind nötig zur Seligkeit/ Es ist vnmöglich one Gute werck Selig zu werden/ Item/ Niemand ist jemals one gute Werck Selig worden/ welche von meinen widerwertigen/auff obgedachten misuerstande zu wider meiner meinung/mit gewalt gezogen worden/ für dieser zeit/gutwillig fallen lassen/wie ich denn auch hinfurt dauon keinen zank mit jemandis erregen wil.

Dagegen halt ich nochmals für war vnd gewis/ das wer in sünden wider sein gewissen beharret / der ist nicht bekehrt zu Gott/vnd bleibt der Zorn Gottes vber jm. Auch so jemand/der in Gottes gnaden gewesen ist / wider sein gewissen handelt / der betrübt den Heiligen Geist / verleuret gnade vnd hulde Gottes/leidet schiffbruch am glauben/vnd felt widerumb in Gottes Zorn/vnd in ewige straff / wo die bekehrung nicht widerfolget.

ICH bitte auch alle vnd jede meine Kinder / Erben vnd freunde/vnd zu föderst alle Gottfürchtige fromme hertzen/sie wolten in Christlicher erwegung vnd beherzigung obgedachter meiner entlichen erklerung vnd meinung in diesen beiden Artickeln/als meines Testaments vnd letzten wil-
lens/

lens/darauff ich nach Gottes gnedigen Willen vnd wolgefallen/wenn es seiner Allmacht zeit sein wird / meinen Abschied von hinnen zunemen entschlossen. Dis mein endlich vnd letztestament/vnd bezeugung meiner meinung/vnd bekentnüs für eine gewisse Regel vnd Richtschnur halten vñ achten/alles des/so ich etwa von diesen beiden Artickeln in andern meinen schrifften vnd büchern/vnd in allen meinen Predigten vnd Lectionen/ vnd meinem ganzen Lehrampt/bey vnd in meinem leben bekant vnd geleret habe/ Dann die je vñnd allewege meine eygentliche meinung vnd verstand gewesen / vnd kein anderer.

Arnach bitte ich das man auch alle meine lehre vnd schreiben nach diesen meinen bekentnüs achten / richten vnd vrteilen wolle/was auch hiemit als meiner eygentlichen meinung in meiner lehr vnd schrifften oberein kömmet/vnd gleichstimmet/das allein hab ich je vnd allewege leren wollen/das halte vnd erkenne ich als meine vnd also Gottes Wort vnd Lehre.

Was aber wider diese meine letzte bekentnüs streiten/ oder derselben zu föderst aber Gottes Wort / der Augspurgischen Confession vñnd Apologia / oder dem Corpori Doctrinae Christianae zu entgegen sein/vnd mit warheit vnd gutem bestand one vngbürliche misdeutung erweisen werden möchte oder könnte/das wil ich hiemit selbst verworfen/vnd als meine lehre oder bekentnüs mit nichten geachtet noch gehalten haben.

Vñd dieweil ich mich Christlich weis zu bescheiden/ das ich auch ein mensch / vnd in so mancherley menschlicher
 B iij schwachheit/

Schwachheit / gleich andern bis weilen wol habe straukeln
 vnd anstossen mögen / mich auch gar nicht für den geachtet
 haben wil noch sol/der ganz one feihl vnd gebrechen were/
 wil ich alle Christliche herten dieser des heiligen Augustini
 wort erinnert / denen auch meine bücher vnd schrifften vns
 terworffen haben/ da er von seinen schrifften selbst also zeu-
 get/vnd bekennet: *Negare non possum nec debeo/sicut in
 ipsis maioribus/ita tam multa esse in tam multis opusculis
 meis/quae possunt iusto iudicio et nulla temeritate culpari.*
 Das ist / spricht S. Augustinus / Ich kan noch sol nicht
 verneinen / das wie in vnserer Vorfahren schrifften / also
 auch in vielen meinen büchlein vnd schrifften / viel dinges
 sey / welchs mit allem recht wol mag strefflich geachtet wer-
 den ꝛ. Doch das ich bey diesen S. Augustini worten/alle
 Christliche herten/auch meine widerwertigen dieses Sanct
 Ambrosij sprüchlin zuerinnern hinwider recht vnd macht
 habe: *Judicet ille de alterius errore/qui non habet in se ipso
 quod condemnet/judicet/qui non agit eadem / quae in alio
 putauerit punienda/ut cum de alio iudicat / in se ferat sen-
 tentiam/ Judicet ille qui ad pronunciamdum nullo odio/
 nulla offensione/nulla leuitate ducitur.* Das ist/ Der
 vnterstehe sich von eines andern Irthumb Richter zu sein/
 welcher an sich selbst nicht befindet/das er billich zu verdams-
 men habe/vnd der sey Richter / der das jenige selbst nicht
 thut/das er an einem andern sträfflich zusein achtet / auff
 das er in dem darinnen er einen andern richtet / sich selbst
 nicht verurteile. Summa dieser sey Richter/welcher durch
 has vnd neid/durch widerwillen vnd zorn / vnd durch gar
 keine leichtfertigkeit zu vrteilen nicht bewegt wird. Haec S.
 Ambros:

33m

15

Im Lekten bit ich hiemit von grund meines Hers
ken den Vater der barmherzigkeit/wie sein geliebter Son/
mein lieber Erlöser vnd Heyland Christus Ihesus / kurz
für seinem Tode in angeruffen/vnd für vns alle gebeten
hat/das er aller Christlichen Lerer Hersen vnd gemüter in
im vnd seiner Warheit vereinigen / heiligen vnd erhalten
wolle/das sie allesamt in im eins sind/ wie er der Vater vñ
Son eins ist / vnd semplich zu seinen Ehren/ zu heiligung
seines Namens vnd seiner Warheit/welche sein Wort ist/
Vnd zu fruchtbarer Seliger ausbreitung seines Reichs/
einmütiglich dienen/ vnd viel nutz schaffen mögen/
Durch Christum Ihesum vnsern aller Hers
ren vñnd Seligmacher/ Amen
M E N.

Georgius Maior Doctor Manu
propria subscripsit.

Gedruckt zu Dresden durch
Matthes Stöckel.
1570.

19
Hilarius. Dominus professione
et fide nostra vere caro est et san-
guis et haec sacramenta et homines facim-
us et Christus in nobis et nos in
sacramentis.

Chrysostomus: Singulis fidelibus Christus
per hoc mysterium se coniungit et ad-
miranda mysteria nobis data sunt ut
membra ex carne et os ex ossibus

Cyrillus: Unde considerandum est Christum
solum per dilectionem sed etiam natura
participatione in nobis esse. et adesse non
efficiacia sed etiam substantia,


Gelasius: Certe sacramenta quae sumuntur
corporis et sanguinis Christi divina
sunt per quos et per eadem divina effici-
untur naturae et tamen non desunt
esse substantia vel natura scilicet et in

on
son
in
n C
hr
nd
k
l
m
n
i
r
i
s
b

X 220 1980







Q. K. 258, 8

Vg
1625a

TESTAMEN-
TVM DOCTO-
RIS GEORGII
MAIORIS.



PSALM CXXVI.

Die mit Ehrenen seen / Werden mit Freuden
erndten.
Sie gehen hin vnd weinen / vnd tragen edlen
Samen / Vnd kommen mit Freuden / vnd
bringen ire Garben

BIBLIOTHECA
PONTIKAVIANA

UNIVERSITÄTS-BIBLIOTHEK
HALLE
(SAALE)

SW 413

